

ENỌ MBON EPHEBUS EDISANA SPIRIT

Utom Mme Apostle 19:1-20
OYQHỌ UKPEP-ÑKPỌ 338
Eke Ikpọ Owo

IKỌ IBUOT: “Ami nda mmọñ nnim mbufo baptism, man ekabare esit; edi Enye emi etienede Mi ke edem enyene odudu akan mi, emi mmendotke ndikama ikpa-ukot Esie; Enye eyenim mbufo baptism ke Edisana Spirit ye ikañ” (Matthew 3:11).

I Paul Ke Ephesus

1. Paul ama obup ndusuk mbet ke Ephesus mme mmọ ema ebọ Edisana Spirit toño nte mmọ ekenim ke akpanikọ, Utom Mme Apostle 19:1, 2
2. Ema enam mbet emi ena uduok-mmọñ nte Christ eketemede, Utom Mme Apostle 19:3-5; 8:16; 18:25
3. Mbet emi ema ebọ Edisana Spirit ke ini Paul ama okodori mmọ ubọk, Utom Mme Apostle 19:6, 7; 8:17; 1 Ñwed Timothy 4:14; 2 Ñwed Timothy 1:6
4. Paul ama ọkwọrọ ikọ ọfiọñ ita ke Ebiet ukpono mme Jew, ye isua iba ke ufọk-ñwed Tyrannus, Utom Mme Apostle 19:8-10
5. Paul ama anam mme ata akpan utibe-ñkpọ, Utom Mme Apostle 19:11, 12; Mark 16:17, 18; 1 Ñwed Corinth 12:7-11, 29-31
6. Ata utibe edinam ama ada itie ke Ephesus emi okotimde emenere enyiñ ọbọñ, Utom Mme Apostle 19:13-17
7. Se iketienede ekedi ediwak owo ema eyarare ndudue mmọ ańwa-ańwa, enyuñ ewọñọre etiene Abasi, Utom Mme Apostle 19:18-20; 2:43; 5:5, 11; Exodus 15:16; 2 Chronicles 17:10; Luke 1:65; 7:16

SE EKPEPDE EBAÑA

Ndika Ke Ofuri Ererimbot

“Eka ke ofuri ererimbot ekekwořọ gospel enọ kpukpru owo” ekedi ewuhọ emi Jesus ọkọnọde mbet Esie (Mark 16:15), ndien Paul ama anam uyo oro ke ini enye akasańade oto Corinth aka ke Ephesus. Ephesus ekedi ata eti obio emi ọkọfọnde ke ndikwořọ eti-mbuk, koro Enye okodude ke usuñ emi esisańade eka unyam-urua, okonyuñ odu ke akamba usuñ emi okotode edem usiaha-utin aka ke Rome. Ukpep-ñkpọ emi etiñ ọnọ nnyin ete ke Paul ama etie ke Ephesus ebighi akan isua iba ndikwořọ Eti-mbuk Jesus Christ.

Ukpep-ñkpọ emi ñko afiak anam nnyin ifiok ite ke kpukpru mmọ emi edude ke Asia (Asia Minor) ema ekop ikọ Ọbọñ Jesus, mme Jew ye mme Greek. Paul ekedi ñkukure owo, ke nta emi enye ikenyeneke ukeme ndinam Eti-mbuk osim ata ediwak owo. Ke ndidu ke akwa obio Ephesus, enye ama osobo ye ediwak owo emi eketode ke kpukpru efak ke Asia. Edi akpanikọ ete ke Abasi akada Philip aka ke akpa-utatan man okosobo ye owo eunuch onyuñ ọnọ Ikọ Abasi, onyuñ otim owut ñko ete ke Ọbọñ nnyin ama ebe inyań Galilee man okosobo ye owo demon ke idut mme Gadarene. Ke adańemi mmọ ema ekekure sańa-sańa utom emi, Jesus ye Philip ema efiak enyoñ ke mme ikpọ obio emi ediwak owo ekedude.

Abasi iyomke ikọt Esie ebabahare idem mmọ eda ekpọñ mmọ eken ke ererimbot, edi akam oyom mmọ eka iso ke utom Ete-Ufọk mmọ, nditiñ eti mbuk idaresit erinyańa nno mme ukpọñ eke esopde. Nnyin emi idomode ke eyo emi ndikwořọ Eti-mbuk Jesus Christ nno mme owo imekeme ndibọ eti ukpep-ñkpọ nto ke edu-uwem mme mbet nte mmọ ekekade ke ofuri ererimbot ndikwořọ Eti-mbuk. Akpana esobo ye mme owo ke usuñ kiet mme eken, edi emi iwọrọke ite ke ana nnyin kiet-kiet isańa ika kpukpru ebiet emi mme owo edude, man ekwořọ Eti-mbuk enọ mmọ. Paul odu isua iba ke Ephesus, ekpep ke

usen ke usen ke ufok-nwed Tyrannus, ndien kpukpru owo ke Asia ema ekop Iko Abasi.

Mbet Ena Uduok-Mmoñ Edikabaresit

Paul ama okut nkpo nte mbet duopeba ke Ephesus emi mifiokke nkpo ibaňa uduok-mmoñ Christ. Mmo ekedi ndito Abasi koro ke adañemi mmo ekekopde ebaňa ukworo-iko John Oduok-owo-mmoñ, mmo ke akpaniko ema ekabare ekpon idiok-nkpo mmo, ema enyuñ ena uduok-mmoñ nte enye okonode uyo abaňa. Ke adañemi mmo efiokde ete ke Enye emi John oduok-owo-mmoñ eketiñde abaňa ama edi, mmo ema enyime ukpep-nkpo Paul emi ekepepe ebaňa Christ ke idaresit, ndien ema eduok mmo mmoñ esin ke enyiñ Ete, ye Eyen, ye Edisana Spirit. Itie edikot nnyin emi etiñ ete “mmo ema ena uduok-mmoñ esin ke enyiñ Oboñ Jesus,” emi owutde ete ke mmo ekena uduok-mmoñ nte Jesus okonode ntot abaňa ke ini Enye okodohode ete: “Mbufo eka ekenam kpukpru mme idut edi mbet Mi, enim mmo baptism esin ke enyiñ Ete ye Eyen ye Edisana Spirit” (Matthew 28:19). Nduhede iduhe ke Iko Abasi, ndien se etiñde ke ebiet kiet edi ukem-ukem ye se ewetde ke ebiet efen.

Ndibọ Edisana Spirit

Mbume Paul, “Nte mbufo ema ebọ Edisana Spirit toño nte ekenim ke akpaniko?” okonyuñ edi akpan nkpo. Iborọ mbon Ephesus emi ekenimde ke akpaniko ete ke mmimọ ifiokke mme Edisana Spirit odu, ekesin Paul aka iso ndiduñore mbaňa edinim ke akpaniko mmo. Ekikere ana iñwañ-iñwañ onyuñ owo owo idem ntak mbume Paul, ete edieke mmo ekedide mbet Jesus Christ ekenyuñ enade uduok-mmoñ ke enyiñ Ete, ye Eyen, ye Edisana Spirit, mmo ekpekefiok ebaňa Edisana Spirit, ndusuk ini ekpekena ebọ Enye. Kpukpru mbet ke ntọño ufok Abasi mme apostle emi efiok ete ke kpukpru owo emi enimde Christ ke akpaniko enyuñ ebode edinam asana ekpenyene ndibọ Edisana Spirit.

John oduok-owo-mmoñ ama enyene ifiok emi, ndien edisuan etop esie ekedi kiet ke akpan ukworo-iko esie. Ke nditiñ nyarare Christ, enye odohode ete: “Ami nda mmoñ nnim mbufo baptism, man ekabare esit, edi Enye emi etienede Mi ke edem enyene odudu akan mi, emi mmendotke ndikama ikpa-ukot Esie. Enye eyenim mbufo baptism ke Edisana Spirit ye ikañ” (Matthew 3:11).

Jesus ke ediwak ini ama esitiñ onọ mbet Esie ete, ke Imọ iyeno Iberedem, emi edide Edisana Spirit esok mmo ke ini Imọ ima ika ikodu ye Ete Imọ. (Se John 14:16-20; 15:7-15). Akpatre iko Esie ye mbet mbemiso Enye odok ke Heaven, ekedi ntem: “Sese, nyenyuñ ndon uñwoño emi Ete Mi okonwoñode etiene mbufo: edi etie ke obio ebet, tutu esine mbufo odudu emi otode ke enyoñ” (Luke 24:49). Nnyin ifiak ikot ke Utom Mme Apostle: “Ndien ke ini Enye osobode otọ kiet ye mmo, Enye onọ mmo uyo ete ekuppon Jerusalem, edi etie ebet se Ete okonwoñode ndino; emi mbufo ekekopde ke inua Mi: koro John akadade mmoñ onim baptism, edi eyenim mbufo baptism ke Edisana Spirit ke usen ifañ mibehe kaña” (Utom Mme Apostle 1:4, 5). Emi edi mme itie ifañ ke iko Abasi ndisoño akpaniko emi ete ke kpukpru mmo emi enimde ke akpaniko ekpena nte ebọ uduok mmoñ Edisana Spirit.

“Nte mbufo ema ebọ Edisana Spirit toño nte ekenim ke akpaniko” edi mbume emi kpukpru mme anditiene-Christ mfin ekpekemedede ndiboro ke nsoro-uyo. Edieke odudu miduhe ke mme ufok Abasi, me ke uwem owo kiet-kiet, edi koro mmo minimke oyoho-oyoho, item oro Jesus okonode ete, “Etie ebet tutu esine mbufo odudu emi otode ke enyoñ.” Ke ini Paul okodoride mme mbet ke Ephesus ubok onyuñ oboñ akam, mmo ema ebọ Edisana Spirit enyuñ etiñ ke nsio-nsio usem nte Spirit okonode mmo ukeme, ukem ukem nte mme mmo oro ke ubet enyoñ ke usen Pentecost. Ke eyo emi, nnyin emi ema ekenam isana ke ukem ido oro iyese ke nsio nsio usem nte Spirit onode ukeme ke ini nnyin ibode uduok-mmoñ Edisana Spirit. Ntem nnyin inyene ndikaka iso nsaña ke uñwana Iko Abasi nnyuñ nnim mme item Esie, edieke nnyin iyomde odudu emi ikobode ke ini nnyin ibode uduok-mmoñ Edisana Spirit osuhọ ye nnyin.

Mme Idiño Ye Mme Utibe-Nkpo

Utom ukworo-iko Paul ama owo ada, anana mbume ke esit. Ukpep-nkpo emi etiñ onọ nnyin ete, Abasi ama anam mme utibe-nkpo akpan akpan ebe ke ubok Paul. Nte ededi, usen utibe-nkpo ibebe kaña! Jesus Christ edi ukem-ukem nkpon emi ekebede, mfin ye ke nsinsi; ndien se Abasi akanamde ke ini emi ekebede, Enye ke enyenyene ukeme, onyuñ akaka iso ndinam mfin. Eñwoño emi Abasi onode ikot Esie edi: “Mme idiño emi eyetiene mmo emi enimde ke akpaniko: ke enyiñ Mi ke mmo eyebin mme demon;

eyesem mbufa usem; eyemen urukikot ke ubok; onyũ edieke mmọ eñwõnde ñkpọ ekededi eke abiatde uwem, ididiokke ye mmọ; mmọ eyedori mbon-udõño ubok, ndien mmọ oro eyekop nsõnidem” (Mark 16:17, 18). Ufok Abasi Jesus Christ onim mme eñwõño emi, ndien toño ke eritõño Abasi edi akpanikọ ke Ikọ Esie. Ke eyo emi mme owo ebọ erikok enyũ enam mme utibe-ñkpọ oto ke utibe odudu Abasi.

Ke akamba itie ufok-Abasi Apostolic Faith, esibọ mme ñwed ebeñe-akam eto ke nsio-nsio itie ke ererimbot, ke ndusuk ini ebup ebaña ukwõhõre-inua emi ebõnde akam esin enọ mbon udõño. Se Abasi anamde ọnọ owo kiet Enye eyenam ọnọ owo efen, ndien ke item emi odude ke Utom Mme Apostle 19:12, enọ mme ukwõhõre-inua emi esok mbon udõño ye mmọ eke edude ke mfina. Ukwõhõre-inua emi ekeyetde aran ke Enyiñ Ọbõn edori enye ke enyõn Edisana Ñwed Abasi Ibom emi ekubõrede enim, ndien mme ọkworọ-ikọ edori ubok mmọ ke enye enyũ ebõn akam ete yak Abasi ọkọk owo-udõño emi ọbode enye. Ibọrọ esiworọ utibe-utibe ọnọ mme mmọ emi ewetde ebeñe akam ye ukwõhõre inua emi ema ekeyet aran! Ata ediwak ikọ ntiense emi owo mikemeke ndifaña edu, emi etode iren ye iban emi ebode erikok eto Abasi, ebe ke akam ye ukwõhõre-inua emi eyetde aran.

Edidori Ubok

Toño nte Akpatre Edim ekedep ke 1906 ediwak mme nsu-nsu ukpono abasi edaha eda nditap owo nsio ke ata eti usuñ utom Abasi. “Ebup ewuhọ, ye ñwed ntiense: ke mmọ minyimeke ndidõhọ nte ekemde ye ikọ emi, ke edi mmọ eke midikwe usiere” (Isaiah 8:20). Nte Ikọ Abasi edide nnyin inyene ndiduñore kpukpru ñkpọ ye owo kiet kiet oto ke Ikọ Abasi, ndien edieke misañake ukem-ukem ye se “Ọbõn ọdõhọ ete,” mmọ edi inọ ye mbon abiaña. Ama ododu, onyũ odu mmọ emi edõhõde ete ke mme imọ imenyene mme enọ ye ukeme emi midighe nte Ikọ Abasi ekpepde. Ediwak mme abiaña abiaña emi etiñ ete ke mme imọ imenyene “enọ” ndidori ubok, mmọ enyũ etiñ ete ke imenyene ukeme ndinọ mme owo Edisana Spirit oto ke edidori ubok mmọ ke idem owo emi oyomde enọ uduok-mmõn Edisana Spirit, ke ndiok-iso mme anditiñ ntiñ-nnim ikọ nsu eda emi ebiaña ediwak owo. Edieke mme owo ema ekebọ ñkpọ ekededi oto oruk mme abiaña abiaña oro, ke akpanikọ ikedighe Edisana Spirit.

Iduhe itie ke Ikọ Abasi emi etiñde ete ke “edidori ubok” edi kiet ke otu mme enọ Spirit. Ikọ Abasi itiñke añwa-añwa ete ke Paul me Peter me kiet ekededi ke otu mme Mbet, ama enyene utọ odudu oro. Edi akpanikọ ete ke Edisana Spirit ama odoro mme owo ke ini mme Mbet emi ema ekedori mmọ ubok. Nte ededi, edidori ubok ekedi ndikot edidiõn Abasi nno enye oro ikpõn-ikpõn. Edidori ubok edi se Abasi okonimde nte usuñ edidiõn owo mme otu man enam uduak ye utom Abasi. Mfin emi mme ebio owo ye mme ọkworọ-ikọ ufok Abasi edori ubok mmọ ke idem mmọ emi edõhõde ke ini mmọ ebõnde akam man idem ọsõn mbon udõño ye ke ini edidori mme ọkworọ-ikọ ubok, ndien ekese ini mme ọkworọ-ikọ ye mme anam-utom eyedori ubok mmọ ke idem mmọ emi ebõnde akam eyom erinyaña me ntõtũño ifiok mfõn ke uwem mmọ. Iduhe ata owo Abasi emi etiñde ete imenyene odudu ndinọ owo Edisana Spirit. Edisana Spirit edi ọyõhọ owo ita ke Ibuot Abasi kiet, ndien idighe odudu owo ndomo kiet akama Enye. Mme owo ebọ uduok-mmõn Edisana Spirit koro mmọ ebõnde akam, eyakde uwem mmọ enọ Abasi, enyũ enọ Enye ñkpọ utom emi Abasi ama akanam asana. Uduok-mmõn Edisana Spirit edi etiene enye emi ema ekenam uwem esie asana, ndien idighe itiene owo koro edidoride mmọ ubok.

Ke Enyiñ Jesus

Akamba utibe-ñkpọ ama ada itie ke Ephesus emi ekemenere de ubõn Christ emi okonyũ adade ediwak ukpõn ọnọ Abasi oto ke ibọrọ oro. Owo Jew itiaba emi ekedide mbia idiõn, ema edomo ndikot ndidehe Spirit mbe ke Enyiñ Jesus emi Paul ọkokwõrõde. Idiok Spirit ọdiõn Enyiñ Jesus Christ ye Paul, edi okobup mme ndiọ Jew emi ete, “Mbufo edi mme anie?” Owo oro, ndidehe spirit okodude enye ke idem ama añwana ye mme Jew oro onyũ amia kpukpru mmọ idiok-idiok, oro ekesin mmọ efeñe. Ema efiok emi ke ofuri Ephesus, akamba ndik ama onyũ osim ediwak owo, ndien ema etim eteñe Enyiñ Jesus Christ, oro akanam ediwak owo ekedi ediyarare mme idiok-ñkpọ mmọ añwa-añwa enyũ ebọ Eti-mbuk. Ediwak mmọ emi ekesibrede idiõn ekedi enyũ efõp mme ñwed mmọ añwa-añwa, ndien ekõm urua mmọ ekedi mbak silver tõsin aba ye duop.

“Ntem ke ikọ Ọbõn ọkõri ọkpõsõn onyũ akara.” Ke ini ekwõrõde Ikọ Abasi ke idak emi eyetde aran ye odudu Edisana Spirit, enyaña ediwak ukpõn, mbon udõño ye mmọ eke mfina osimde ebọ erikok,

ndien mmọ emi ekenyenede ndedehe spirit ebọhọ mfina emi nko, koro Jesus Christ (Ikọ edi “ukem-ukem mkpọn emi ekebede, ye mfin ye ke nsinsi.”)

MME MBUME

1. Nso idi ntak emi Ephesus ekedide nnen-nnen itie ukwọrọ Eti-mbuk?
2. Paul ekebighe didie ke Ephesus?
3. Nnyin isaña didie ifiok ite ke mbet ke Ephesus ikọfiokke ibañā uduok-mmọn Christ?
4. Nso idi ntak emi Paul akafiakde onim mmọ uduok-mmọn ke ini mmọ ema ekena uduok-mmọn nte John ọduok-owo-mmọn okonimde?
5. Nso idi ntak emi Paul okobupde mmọ mme mmọ ema ebọ Edisana Spirit?
6. Nso idi ntak emi nnyin ikpekerede ite ke Abasi oyom kpukpru nditọ Abasi ebọ uduok-mmọn Edisana Spirit?
7. Oto ke ewe itie ke Nwed Abasi ke Ufok Abasi Apostolic Faith enyene odudu ndinọ ukwọhọre-inua emi ekeyetde aran esok owo udọnọ?
8. Nso idi ufọn edidori ubok emi mme okwọrọ-ikọ Abasi esidoride?
9. Nso idi ntak emi mme nyoñ Jew mikekemeke ndibin ndidehe spirit ke Enyiñ Jesus?
10. Nso ikotibe oto ntak unana ukeme mmọ ndibin ndidehe spirit nduok?